

خالد عبد السلام

مجرد حلم

أشعار بالعامية المصرية

الطبعة الأولى ٢٠١٧

بطاقة الكتاب

عنوان المؤلف : مجرد حلم
المؤلف : خالد عبد السلام
التصنيف : خواطر أدبية
رقم الإيداع : 21606 - 2017
عدد الصفحات : 102 صفحة
رقم الإصدار الداخلي : 58
تاريخ الإصدار الداخلي : 10 / 2017 طبعة أولى
تصميم الغلاف والتنسيق : دار النيل والفرات للنشر والتوزيع

جميع حقوق الطبع والنشر محفوظة للشاعر، ولا يحق لأى دار نشر
طبع ونشر وتوزيع الكتاب الا بموافقة كتابية وموثقة من الشاعر

دار النيل والفرات للنشر والتوزيع

سجل تجارى : 58365
بطاقة ضريبية : 165-5-00031-572-01-35
رقم التسجيل : 202-544-662-2017-7
E-mail: alnile waalforat@yahoo.com
twitter: النيل والفرات
youtube: alnile waalforat@yahoo.com
facebook: alnile wa alforat



هاتف : 01011256943 - 01116202218 - 01202541192

الشرقية - العاشر من رمضان - مجاورة ١٣ - عقار ٣٠٤ - الدور الثاني - أمام سنتر ١٣

إهداء

إلى أمى وأبى
إلى زوجتى الحبيبة
إلى أولادي شاهدة وزيد وإياد
إلى كل من ساعدنى في خروج هذا الديوان إلى النور

تحياتي

خالد عبد السلام

عضو رابطة الزجالين وكتاب الأغاني
عضو الجمعية العامة لشعراء وأدباء مصر
عضو جمعية شعراء العرب

إهداء خاص

إلى من لولاها ما أبدعت
إلى من ملأت قلبي عزماً
إلى من علمتني نبض الحروف
إلى من أدين لها أمام الله بفضلها
إلى أمي وأستاذتي ومثلي الأعلى

الشاعرة القديرة
منى الغريب

اتعودت

اتعودت خلاص

على بُعدك

اتعودت كمان انساك

بعد ما عشت

حياتي ف بُعدك

زى حياتي وأنا وياك

أوعى تفكر لما هتبعد

يضعف قلبي ويترجاك

ولا عيوني

هتيجي ف مره

وتنده قلبي يعيد ذكراك

حتى ان عقالك

خلاك تحلم
مهما هتبعد هستناك
يبقى دا حلمك
مات جواك
علشان قلبي
خلاص أتعود
انه يعيش
من غير رؤياك

أنا المحبوس

أنا المحبوس في أحلامي

وقضباتي من الأوهام

بشوف الذل في منامي

وادوق المر في الأحلام

ده أنا اللي خيالي سجاني

وزنراتي حيطانها آلام

سنين السجن خللتي

أعيش العمر متندم

وأشوف قلبي مابين

أحلامه متألم

لا طایل يصحى من حلمه

ولا حتى بيتكلم

صراخ نبضه بيشكي
لكل أركاني
ومين يتحمل الشكوى
وأنا اللي عيوني بركاني
بتنزف جمر على خدي
ونار الوجد كاوياني

إضحك

إضحك ... إضحك

علشان وشك

ما يكرمش

دي الضحكه جميله

وماتكلفش

شيل من قلبك

أي قساوه ..

ما تترددش

إرمي همومك

من ورا ضهرك

بطل قفش

عيش أيامك

عيش أحلامك

من غير غش

بكرة يقابلك

عما حظ

بأجمل وش

بس إن جه

من غير ما يشوفك

ما يهمكش

ما أنت أساسا

وشك فقري

وما بيضحكش

ساعة الغروب

ساعة الغروب
كل الجراح متجمعة
تبكي القلوب
والشمس ماشية مدمعة
وسط الدروب
الصرخة لسه مسمعه
والليل يا دوب
بادئ يجوب
في ليلة قاسية مشمعة
صاح الحنين
من بين قلوب المجروحين
كسر ضلوع الصمت

شق السواد اتنين
لجلن يطلع فجرها
طلع النهار
والحزن ساكن حُضنها
كان لـ انتظار
واخذ قرار
ماتشوفش حتى فرحها
والصبر مات
لما السكات عشش
في وسط قلبها
بس الأهات
كان ليها نفس تقول لها
إن الحروف
عاشت في خوف

من بين سكاتها ويأسها
أصل اللسان
لو عاش جبان
عمره ماهيجيب حقها
رحم السنين
من بدري كان
عائش حزين
نزل الجنين
يصرخ مابين المجروحين
شائل بهمه دمعتين
دمعة فوق خده اليمين
ودمعة واقفة
بين رمشين
مستنيه وقته

الحكاية

الحكاية كلها في كلمتين

كلمة ضاع منها حروفها

وكلمة تايهه من سنين

كلمة ضيعت بخوفها

حلم طفل كان يتيم

كان بيحلم يوم بدنيا

يلقى فيها

ناس قلوبها طيبين

ناس بتعطف ع الغلاية

وناس بتنصر مظلومين

بس مات الحلم لما

شاف بعينه

ناس قلوبها

م القساوة كالحجاره

وناس بتنهش كالديابه

وفي الغلابه ..

طماعين

مجرد حلم

مجرد حلم وحلمته

أعيش وياك

واطمئن قلب

كان دائماً بيتمناك

ونظرة عيني مشتاقه

ليوم رؤياك

لكين يا خساره

حببتك

وقولت ملاك

وضاع الحلم من عيني

وباستناك



وشوفت القسوه
على قلبي اللي
داب ف هواك
وياما ندمت على
حلمي وضاع وياك
أتاري الحلم ف قلبك
دا مات جواك

اشكي ليا

يا للي شيلتى دمع عيني

لما سكنوا جوا همك

اشكي ليا وقت ضيقك

فضفضي

لقلبي اللي ضمك

يا للي صابره ع المآسي

قلبي مستني يقولك

إن عمري ما كنت ناسي

يوم ما كنت جوه حضنك

انتي طبعك ايوه صابره

بس ساكته

ومين يدلك

ع الطريق .. اللي ف بدايته

كلمه حلوه

وأخره ضحكه طالعه منك

نفسي أقولك إني جنبك

نفسي أسمع يوم لهمك

آه باحسك

ما أنت جوايا ف عروقي

آه بشوفك

وأنت ليا حناني ... شوقي

اطلبيني ... هتلاقيني

نبض سكنك

وف عروقي

دمي يجرى بكل روحي

ويا دمك

مش هغيب ..

أنا يوم عليكي

ولا هابعد تانى عنك

مش باني

نبض فيك

لاء لأنني

جوه منك

أنا جيت لك

يا واد افتح لي ..

يوم بابك

دا أنا واقف .. ومستني

أنول الود في وصالك

واعيش

في حياتي متهني

أنا قلبي خلاص جالك

ونبضه كمان خرج مني

يدق عليك

وأعتابك بتشكي للتراب همي

أنا جيت لك

وهاغزلك

رموشي شال لأكتافك
وأقول للقلب مين شافك
ولا مره يطمني
وهشكي للقمر حالي
وأقوله ع اللي جنني
وأعيد العمر من تاني
وأعيش بينك
وبين بيبي
وأجيب نجمة تخليني
أعيد رسمك
في تكويني

شايلىن الهم

وشيلنا الهم من بدري

كده ساكتين

وتقسى علينا أيا منا

لكين عايشين

خدتنا الدنيا و رمتنا

في بحر حزين

عشان لقمنا خلتنا

نشيل الطين

بنحلم مره بالراحه

ومش لاقيين

يا ناس دلونا

بصراحة

نجيبها منين
عشان أحلامنا
عايشينها بقالنا سنين
في دنيا زارعه جوانا
الم وأنين
خلاص العمر ضاع منا
ولا حاسيين
وزاد الهم في قلوبنا
عشان مساكين

داري العيون

داري العيون داريها
دا جمالها وسط الكون
حير محبيها
والقلب بات مفتون
من سحرها فيها
دا أنا شعري لو موزون
بنظرة تتوه مني
الكلمة ومعانيها
أصل الحروف بتكون
دايبه في شوق ليها
حتى القلم لو كتب
كلمة

فين السطور
اللي هتحميها
ما جمالها
دوب سطور
كتيرة قبلها
دي حتى الرموش
من حقها
منا تخبيها

ذنبی ایہ !

وَذَنْبِي إِيَّاهُ أَعِيشْ فَيَكِي
وَأَنَا مُحْرَمٌ مِنَ الضَّحْكَه
هَمُومِي كَثِيرٌ شَايِلَهَا بِكُوم
وَصَبْرِي خُلَاصٌ عَلَى تَكْه
مَشَيْتُ فِي طَرِيقٍ
مَعَ الْأَيَّامِ
وَفِي السَّكَةِ
قُلُوبٌ بِتَخُونُ بِكُلِّ جُنُونٍ
وَنَاسٌ نَيْتُهَا مَشْ سَالِكُهَا
حَاقِلَتْ كَثِيرٌ وَمَا قَدَرْتُشْ
أَدَارِي حَزَنِي جَوَائِي—
وَحَتَّى كَلَامِي مَعْرِفْتُشْ

أقول له اسكت بقى كفايه
تعبت خلاص من القسوه
وراحت مني دنيايا
و قلبي كمان تعب مني
ووقفت منه ١٠٠ دقه
ده مين يقدر يقول للحزن
لو جاله في يوم لأه

طمنيني

طمنيني

لو ف مره غيبتي عني

حسسيني

إن قلبك رغم بعدي

كان فاكرنى

عرفيني

إن حبك مهما غيبتي

مسيره يوم يرجع لحضنى

أصل قلبنى

مستحيل ممكن

يصدق إن قلبك

يوم يسيبني
بعد ما كان بیشاغلني
وكننت اقرب ليا مني
كنت قمري وسط ليلي
كنت شمسي كنت ضلي
كنت بسمه فوق شفافي
كنت جوه عيني نني
دا ف غيايك
كل حاجه غايبة عني
حتى روعي جوه مني
بتخاصمني
حتى قلبي كل دقه
خارج منه بتعاندني
ليه تغيبني وتحرميني

من عيون كنت أما اشوفها

برمي فيها كل همي ؟

من حنائك

اللي كان دايمًا حاميني

وانتي نايمه جوه حضني ؟

انتي فاكركه

إن بعدك راح يخلي

مره قلبي ينسى حبي ؟

ولا عيني تيجي مره

تنسى نظره من عنيني

عشت فيها ويا قلبي ؟

تبقى ناسيه إن حبك

طول حياتي كان بيجري

جوه دمي

مش هخون

مش هخون

مش هابيع أنا حبي ليكي

من مجرد فكر طايش

أو ظنون

مش هخون

بعد م قلبي مات عليكي

وخدني عقلي للجنون

مش هخون

بعد م شفت جمال عينيكي

وكل رمش بألف لون

مش هخون

بعد م عشت أنا بين إيديكي

أغلى حب ف أحلى كون

مش هخون

بعد ما قلبي حب فيكي

كل ضحكاه طالعاه منك

كل دمعاه م الجفون

مش هخون

بس قولاي إزاي هخون ؟

بعد ما عشت أنا عمري كله

بحلم إني ليكي أكون

مش ذنبي

أنا ممكن أكون غلطان
في يوم ما فتحت لك قلبي
لكن عمره ما كان ندمان
على حبه

و مش ذنبي
أكون عايش في دنيا
كلها أحزان
وأنت ياعمري مش جنبي
ليالي كثير

عانيت حرمان من الوحده
أنا وقلبي

وخدني طريقي

وسط زحام
مع الأيام وراح سابني
أقاسي كثير من الأحزان
في دنيا كلها أوهام
ما شوفتش فيها
غير تعبى

بتحسدني

بتحسدني على الضحكة

اللي بضحكها وأنا وياك

وناسي دموع

كانت شايفه عذاب في هواك

دا أنا قلبي تعب منك

و م القسوة اللي شافها معاك

ما تحسدنيش

على ضحكة تشوفها مني

لو ثانية

دا أنا بخطفها

من عمري اللي كان مقسوم

على الدنيا
و متلومنيش على بسمة
بداوي بيها أحزاني
وما تقوليش أداري جراح
كانت في القلب كاوياني
دا أنا قلبي
شهاد حبك
و قلبك هو
ده الجاني

إزاي تنساني ؟

حاولت كثير يمكن تنساني

جائز ترجع يوم لحياتك

واكتم حبي مع أحزاني

وسط أهات بتنادي أهاتك

لكن كان يعاندني زمني

و يفكرني بابتساماتك

وارجع تاني ياخدني حناني

لسماع كلمة من كلماتك

حتى عيوني كمان مشتاقه

لأجمل نظره من نظاراتك

أصل أنا باضعف

لما بشوفك
وأما بشوف في الليل
همساتك
حتى حروفي لما اكتبها
بتطلع كلمه من كلماتك
أعمل إيه
لجل ما تنساني
علشان ترجع
تاني حياتك ؟

المحروم

أنا المحروم من الأفراح
وقلبي م الجراح مكسور
بعاني الظلم كل صباح
وانام الليل وأنا مهموم
بداري الحزن جوايا
وأقول ده نصيب
خلاص الهم دا معايا
ومالوهش طبيب
يا دنيا ليه تخليني
أعيش في عذاب
وتنزل دمه من عيني
بدون أسباب

دا أنا اللي كنت مستني
أشوف الفرحة في حياتي
وأعيش بالقلب
متهني وأشوف
أمال مع ذاتي
خلاص الهمّ دوبي
والفرحة فارقتها
حياتي

إِتمنيتك

إِتمنيتك لما لقيتك

ورد مفتح في البساتين

رفرف قلبي وطار على بيتك

يخطف قلبك م الملايين

شاف الكل بيطمع فيك

وانت يا عيني عليك مسكين

واقف بينهم خفت عليك

أحسن ياخذه عينيك لتنين

مش تستغرب مين حواليك

ما أنت أساسا سحر عنيك

خلت كل الناس عاشقين

أنا القلم

أنا القلم اللي تايه
بين ألوانه وبين رسمك
أنا اللي عايش بأحلامه
في دنيا جميلة من همسك
أنا اللي كل أحزانه
تدوب من دقه
من قلبك
ده أنا المقتول وأنا الجاني
وأنا اللي قضباتي
حروف اسمك

غدر الدنيا

في ساعات بنشوف الفرح

ولكنه ما بيشوفناش

وساعات بيحن القلب

لناس وما تسواش

وساعات حياتنا رخاص

وساعات كمان ببلاش

وجراحنا مهما تزيد

الناس ما حسّتهاش

ومهما قولنا كتير

كمان ما تسمعنناش

ما هي دنيا .. الغدر مالياها

لمّه الأحزان حوالياها

تجرحنا ف كل دقيقه
والكل اهو عايش فيها
عايشينها بكل مرارها
فاكرين عارفين أسرارها
أتاريننا بنتعب حالنا
مع دنيا واخده قرارها
عايشينها ... وياما قاسينا
م الجرح وم الحرمان
ماشيين شايفين بعيننا
الظلم ف كل مكان
بندور على أمانينا
ولا نعرف لها عنوان
علشان الفرح ناسينا
وسايبنا مع الأحزان

دا يا ريتنا يا دنيا ما جينا
ولا عشنا معاك يا زمان

ما تصدقنيش

ما تصدقنيش
لو قولت ف بعدك
صعب أعيش
لو قولت ف مرة
إن حياتي من غير
حبك ما تساعنيش
لو قولت كلام الحب
في قلبي ممكن مره
يروح ما يجيش
أو ممكن حتى
حروف أشواقي
ما بين أوراق

ما هتشوفنیش

ما تصدقنیش

واوعی تفکر

لما هتبعد

صعب علیا

اقدر أعیش

أصل خلاص

عصفور الحب

طار في الدنيا

من غير ریش

ليل الوحده

ليل الوحده عذاب ومرار
مره يفوت مره سكوت
ومره يخلي العقل ف نار
قلت ف مره أجيب لي جليس
يشغل عقلي يكون لي ونيس
جبت الصبر وقولت هاهيص
روحت قفلت أنا بالترابيس
جالى الصبر بيجري ويصرخ
قلت يا صبر بتصرخ مالك
كنت كويس إيه اللي جراك
قالي دا ليلك كله عذاب
كله آلام كله مهالك

سبني ف حالي يصلح حالك
حد يقول لي أنا هعمل إيه
جبت الصبر ما هنش عليه
حتى ف ليله يكون لي ونيس

أوهام حب

كنت عارف م البداية

إن حبه كان أوهام

كنت عارف إن كدبه

كان بيرسم لي

دنيا كلها أحلام

كنت ألوم دايمًا

في نفسي

لما بسهر يوم

في حبه

ومش عارف أنا

كنت لما أتوه في كدبه

كان بيهرب م الكلام

رغم حبه جوه قلبي

قولت أبعد

بس خوفت على

عقلي م الجنان

كنت ماشي ويا قلبي

في سكه صعبه

واللي ماعملتش

حسابه إن قلبي

في النهاية

يكون حطام

عائش في أحزاني

طول عمري عائش

في أحزاني وأيامي

اللي ما بتمشيش

بعيش يومي مع همومي

وليلي يعدى ما يقوليش

بتيجي البسمة في الإحلام

ولما أصحا ما تعرفنيش

دي حتى الفرحة معاندني

ولما يعدى من جنبي

ما بيشوفنيش

يا ناس اشكي لمين حالي

من الدنيا اللي سجناني

في وسط قلوب
ما ترحمنيش
بداري و بمشي
من همي واخبي
شكوتى مني
وأقول يمكن
تروح ما تجيش
اتاري اللهم دوبيني
وحالف انه
ما يسيبنيش

صدقيني

صدقيني لما أقولك
إنك إنتي اللي هويتك
صدقيني لما أقولك
إن قلبي هو بيتك
صدقيني لو عيوني
جت في مره واشتكتيك
أصل قلبي كل دقه
يلوم عليا من سكوتك
فاكر إني مش بقولك
إنك إنتي اللي هويتك
مش مصدق إني بفهم
كل مره صوت سكوتك

مش مصدق إني بعشق
من جمالك لون عيونك
مش مصدق إني بروي
كل ورده فوق خدودك
مش مهم قلبي يعرف
أو يصدق إني عاشقك
المهم كل دقه
خارجة منه
تقول بحبك

يرضي مين؟!

يرضي مين؟؟

إننا عايشين في دنيا

نص ناسها طماعين

ناس بتقسی ع الغلابه

وفي الأذية شياطين

ناس بتاخذ كل حاجه

من جيوب المحتاجين

ناس بتعشق الخيانه

وفي النصايب شمتانين

عايشه فيها كالديابه

تاكل كل الطيبين

مش بتعمل أي حاجه

غير بتقتل مظلومين
غدرهم في الدنيا عادة
أصلهم متعودين
كبرهم خدهم زيادة
للتعالي ع الغلبة
الشقيانين

شكوة حروف

حرفين بيشكوا للسطور

وجع القلم

من حبر بات مقهور

على كلمة قالها بألم

لفت سطور وسطور

مش لاقية غير الندم

على دنيا عايشه الدور

والكل فيها أتظلم

ما هي كلمة تايهه مابين

كلمات متزوقه

محصورة بين سطرين

حروفها مفرقه

تتطق تقول ولمين
على ظلم ناس مساكين
ماتت بدون مشنقة

ليه بيسيبي

ليه بيسيبي ويبعد عني
يقول لي عملت ف قلبه أنا إيه
كنت بضمه جوه ف حضني
لما الدنيا بتقسي عليه
عشت ف حبه سنين وسنين
عمري ما شوفت حنان ف عينيه
جت له الفرصة ببيعني ويمشي
وانت يا قلبي بتزعل ليه
سيبه يقابل حب جديد
سيبه ده يمكن يبقى سعيد
بكره هيعرف قيمة حبي
بكره دموعه هتملى عينيه

أحلام الكلمة

أنا مش صورة

ع الحيطه

ولا شاعر ولا فنان

ولا بكتب عشان زيطه

ولا شهرة في أي مكان

أنا بكتب عشان الكلمة

جوايه لها أحلام

ونفسي في مره

تتحقق مع الأيام

ويوصل صوتها

للدنيا في كل

مكان



نفسي

نفسي أهرب مني ليك
نفسي حضني يحتويك
نفسي دائماً و أنت جنبي
أنسي الدنيا وأشتريك
نفسي أعدي بيك بحور
نفسي حبي يعيش في نور
نفسي دائماً وأنت جنبي
حبي ينطق فوق سطور
نفسي أكمل بيك حياتي
نفسي أخرج من سكاتي
نفسي دائماً وأنت جنبي
يبقى قلبك هو ذاتي

نفسى قلبك يبقى ليا
نفسى أشوف خوفك عليا
نفسى دايمًا وأنت جنبى
تبقى كل الدنيا ليا
نفسى عمري يكون معاك
نفسى قلبي يعيش هواك

عتاب قلم

يا قلمي ليه تعاتبني

على حروفي

اللي بكتبها ..!؟

وليه الحبر لو ينزل

على سطوري بخاف منه

ليجي يوم .. ويقتلها ..!؟

دي حتى الكلمة

تخاف تطلع تحاسبها

حرام سيبنني كده كفاية

بُكا حروفي اللي بكتبها

كفاية عليا أوراقي اللي

فكراني بعذبها

عايز تبعد

ليه بتحاول تبعد عني
بعد ما قلبي أتعلق بيبك
كنت لقلبي أقرب مني
كنت بعيش أحلام ف عينيك
كنت قايد لك إيدي شموع
كنت بخبي ف عيني دموع
كنت كتير أنا بظلم نفسي
ولا اخليكش في يوم موجوع
عايز تبعد؟! ماشي براحتك
بس تقول لي إيه أسبابك
أوعي تقول لي ف مره جرحتك

أو سببت آلام لجناحك
خدت قرارك بس لوحذك
ولا فكرت ف اللي شاريك
إرحل وابعد عادي براحتك
عمر ما قلبي هيجري عليك

سكة

سكة وملهاش نهايه
لكن حكايتها حكاية
نقطة ومشوار و نهايه
هتخلص كل حكاية
مشيت وأنا طفل صغير
شاييل أحلامي معايا
وكأني حمام بيطير
رفرف من كتر هنايا
شابيت وأنا حلمي وخدني
عمال في حياتي أنا ببني
قابلتني هموم وخذتني
ورمتني في سكة بعيد

أرجع إزاي مش عارف
وطريقي أنا حسه بعيد
يمكن علشان أنا خايف
أمشي والسكة تزيد
ولقيت أدامي نهاية
وفرحت وكنت سعيد
أتاريها يا قلبي بداية
ويارتنى ما كنت مشيت
منا أصلي حكايتي حكاية
نقطة ومشوار و نهاية

إيه يرضيكي

أنا مش عارف إيه يرضيكي
بعد ما جيببت الكون حوالىكي
حبي وقلبي وعطف عليكى
حتى المال كان ملك ايدىكي
سبّتي ده كله و رُحّتي مشيتي
ولا فكّرتي ف اللي شارىكي
راجعته تقولي خلاص حنيتي
فاكره حياتي أنا ملك ايدىكي
قولي هجيب لك حب منين
بعد ما قلبي خرج من بيتي

أم طرحة

يا أم طرحه مدوره

فوق جبينك زى آيه

يا أم طبعة حسن

رسمه فوق خدودك

أحلى ورده ف بستان الصبايا

يا أم بسمه منوره من بين شفائفك

زى ضوء البدر طالع

في ليل هنايا

يا للى مهما كتبت فيك

مش هيكفى من جمالك

ألف سطر وألف قصه

ولا ملايين الروايا

فيه ناس

فيه ناس عايشه

على الكلمة اللي تخذعنا

تجيب في حروف وفوقها حروف

مفيش معنى

وناس تايهه مابين الخوف

وبين قلوب ما تسمعنا

وناس بتعد في الساعات

وناس القلب فيهم مات

وناس كلامها كله سكات

بيوجعنا

وناس رايحه وناس جايه

وناس حياتها على المايه

وناس بتكنز الميه

وناس ناسيه

هيجي يوم

ورب العرش

يجمعنا

عينيكى عنوانى

لو شوقت حُسنك

أدوب وأنسى أحزاني

فى عينيك تاهت قلوب

ما جمالها رباني

دا أنا حبي ليك

مكتوب

وقلبي خلاني

أبني ف عينيكى

قصور

واعملها عنوان

جايه ليه

جايه ليه بعد الخداع
بعد ما قلبك راح وباع
فاكره لسه هبقى ليكي
ولا هنسى كل حاجه
وارجع تاني أشتريكي
ولا فاكره إن قلبي
لسه لعبه بين إيديكي
ولا فكره دمعته منك
تقدر تمحي كرهى ليكي
مستحيل ..
مستحيل بعد الخداع
إن أفكر تاني فيكي

مستحيل

دا أنا قلبي ضاع بعد

ما كان بين إيديكي

مستحيل بعد الوداع

يرجع تاني يحن ليكي

مستحيل يرجع يحبك

بعد ما هان

كتير عليكي

ومستحيل يرحم دموعك

مهما نزلت من عينيك

مين فينا ؟

مين فينا

اللي كان ظالم

و مين اللي كان مظلوم ؟

مين فينا

اللي كان شاري

و مين اللي كان بيخون ؟

مين فينا

اللي كان بيسامح

و مين اللي كان بيلوم ؟

مين فينا

اللي كان جارح

و مين اللي كان مألوم ؟

مين فينا
اللي كان قاسي
وزود قلوبنا هموم ؟
و مين فينا
اللي مهما شاكيننا
كان دائماً بصدر حنون ؟

أحلى ضفاير

أنا شوفت الكون

في عيونك طاير

وشوفت الشمس

بتغزل ليكي أجمل توكه

لأحلى ضفاير

وشوفت خدودك

زي النسمة

رسمه جمالها

زي الشفة

ما ترسم بسمه

وشوفت ورود

من رمشك ماتوا

وشفّت نجوم
من جنبك فاتوا
وليه يستغرب ؟
ما أنت جمالك
خلى القلب
يوقف دقة
من دقاته

اعتبرني

اعتبرني زهرة حلوة

بين أيديك

اعتبرني مره غنوه

تسمعها

بشوقي إليك

اعتبرني لحظة حب

بتنادي عليك

اعتبرني كلمة تايهه

بين جمال معانيك

بس نفسي تعتبرني

مره كحل تزين بيه

عنك

أعمى

ما تحسبونيش اكمني أعمى
ما تحسبونيش اكمني ضرير
فيه ناس كتير بالعين بتشوف
وناس كتير مالهمش ضمير
عمري أنا عشته ظلام ف ظلام
وطريقي زى دقيق في رغيف
كله عجبن من مسك كفوف
كله بياكله و فاكره خفيف
عشت سنين وعصايتي ف أيدي
كانت ليا أوفى صديق
دام الود ما بينها وبينني
دامت سندي في كل طريق

سيبت عصايتي وقولت أتمشى
زى ما كل الناس ماشيين
توهت ف سكة خبط ف عشه
ورجلي كمان لزقت في الطين
حزنت وقلت أرجع من تاني
واتاري السكة خدتني بعيد
رجعت وببكي وبنعي الآمي
من يوم كنت أنا فاكراه سعيد
رجعت وخذت عصايتي ف حضني
وقلت يارتني ما كنت مشيت
هي حياتي وعمرى وسندي
عرفت قيمتها أنا بره البيت

حسنها

لو شوفت حُسنك أدوب

وانسى أحزاني

في عينيك تاهت قلوب

ما جمالها رباني

دا أنا حبي ليك

مكتوب

وقلبي خلاني

ابني ف عينكي

قصور

واعملها عنواني

قرار

وخذت قرارى

من نفسى

أشوف نفسى

وقلت هافوق

وأبيع قلمى وكراستى

فى وسط السوق

وأعيش لحياتى

ولقلبى اللى بات مشقوق

من الدنيا

اللى تاعبانى

وخليتنى أعيش مخنوق

هاودع قلّمي
اللي كان دايماً
يواسيني
مع دموعي
اللي كان بيتها
جفون عيني
وأدور بين محبيني
على فرحه تخليني
أعيش مبسوط

يا بلدي

اسمك بين الوجود عالي

يا بلدي يا أم الكرم والجود

حبك جوه القلوب عالي

يا ارض أبويا والجدود

شعبك زى الورود نادي

أسودك واقفة ع الحدود

مستحيل في يوم اسيبك

ولا أروح لبلاد غريبة

أصل دمي هو نيلك

والحياة ف بعدك كئيبة

وان خادتنى الدنيا مره

وقولت ابعد عن ديارك
قلبي يفضل جوه مني
يلوم عليا من عتابك
اجري وارجع من جديد
أبوس ترايك
ما أنت دائماً واقفة جنبي
وشايلة كل هموم ولادك
قلبي شايل جوه منه
حب ليكي
أتولد لحظة ميلاده
من حنانك اللي شافه
بين ايديكي
والغريب لو مره جالك
بتشيلية جوه ف عينيكي

ياللي من يومك قرارك
هو أجمل حاجة فيكي
يوم عبرنا باختيارك
يومها رجعت سينا ليكي
ضربة جامدة وف نهارك
العدو بقى بين إيدكي
من يومها الكل هابك
ما أنت نصرك مجد ليكي
والشهيد اللي عشانك
ضحى نفسه لخوف عليكي
أصل هما دول ولادك
اللي روحهم ملك ليكي
رفعوا راسك بين جيرانك
رفرفه علمك عليكي

مين يفكر يوم يجيلك
ولا حتى يسد نيلك
وأنت شعبك طول حياته
ايداه مسكه في قلب ايدك
ولو مين راح يعاديكي
ويطمع في اراضيكي
يطير النسر من علمك
يجيب حقك ويحميك

.....

مين غيرك ؟!

مين غيرك يا أمي

يحسسنني بأمان ؟

مين غيرك في حزني

يعلم قلبي لـ بتسام ؟

مين غيرك بيمسح لي دموعي

لما تنزل من غدر الزمان ؟

ياللي قلبك كل نبضه

خارجة منه مليانه حنان

في الطفولة علمتيني

قبل ما أنطق الكلام

وف شبابي بتراعييني

لما بسهر ولا أنام

وما بزعل بتراضيني
وما اتعب بتداويني
واما ابعد بتناديني
أجري واسمع الكلام
ما انت يا أما نن عيني
وف صدرك كل الحنان
صدقيني يا ضي عيني
حبك أنت مش كلام
أبتدى في لحظة ميلادي
شمعة قايدة في الظلام
وما أسمع يوم أهاتك
وسط ليل حاضن سكاتك
قلبي يخرج من ضلوعي
وعيني ماتعرف تنام

الشاعر في سطور

الاسم / خالد محمد عبد السلام

الاسم الأدبي / خالد عبد السلام

المؤهل / معهد فوق متوسط قسم الكترونيات

الحالة الاجتماعية / متزوج ولديه ولدين وبنت

لي مدونه علي الشبكة العنكبوتيه بعنوان همسات خالدة

<https://hmsatkhaleda.blogspot.com.eq/>

لي صفحة علي الفيس بوك بأسم / خالد عبد السلام

* عضو رابطة الزجالين وكتاب الأغاني المصرية

* مؤسس مبادرة نجوم علي طريق الإبداع لتبني المواهب

* عضو الجمعية العامة لشعراء وأدباء مصر

* عضو نادي أدب القلج بالقلوبية

* محرر أدبي بجريدة الأخبار ألان

* عضو رابطة الأدب الحديث

* أمين عام ثقافة القليوبية لحزب مصر القومي

* عضو جمعية شعراء العرب بالأردن

بعض شهادات التقدير

* شهادة تقدير من قصر ثقافة الإسكندرية عن نص يا حلب

* شهادة تقدير من جريدة همس مصر للشعر والأدب
والاشتراك في ديوان مجمع

والحصول علي المركز الثاني في سابقتهم الكبرى عن نص
(ساعة الغروب)

* شهادة تقدير من جريدة الجمهور العربي عن نص الأم

* شهادة تقدير من وكالة الشعر العربي عن نص أغضب

* شهادة تقدير من جريدة لألى الأدبية عن نص أم طرحة

* شهادة تقدير من رابطة الكتاب العرب عن نص أنا
المحبوس

* شهادة تقدير من حزب مصر القومي لمبادرة تبني
المواهب الصغيرة

* شهادة تقدير من الجمعية العامة لشعراء وأدباء مصر

* شهادة تقدير من منتدى ملتقى الأمانة الأدبية
تمت استضافتي على إذاعة القاهرة الكبرى أكثر من مرة
في برنامج المقهى الثقافي مع الإعلامي ربيع السيسي
وبرنامج الصالون الثقافي للإعلامية سحر توفيق
نشرت لي قصائد في الصحف المصرية مثل جريدة
الجمهورية
جريدة الضياء الثقافية جريدة الأخبار الآن جريدة أخبار
الأدب

الفهرس

م	القصيده	الصفحة
1	الإهداء	3
2	إهداء خاص	4
3	اتعودت	5
4	أنا المحبوس	7
5	اضحك	9
6	ساعة الغروب	11
7	الحكاية	14
8	مجرد حلم	16
9	اشكي ليا	18
10	أنا جيت لك	21
11	شايلين الهم	23
12	داري العيون	25
13	ذنبي إيه ؟	27
14	طمنيني	29
15	مش هخون	32
16	مش ذنبي	34
17	بتحسدني	36
18	ازاي تنساني	38

40	المحروم	19
42	اتمنيتك	20
43	أنا القلم	21
44	غدر الدنيا	22
47	ماتصدقنيش	23
49	ليل الوحده	24
51	أوهام الحب	25
53	عايش في أحزاني	26
55	صديقني	27
57	يرضي مين ؟	28
59	شكوة حرف	29
61	ليه بيسيبيني ؟	30
62	أحلام الكلمة	31
63	نفسي	32
65	عتاب قلم	33
66	عايز تبعد	34
68	سكة	35
70	إيه يرضيكي	36
71	أم طرحة	37
72	فيه ناس	38
74	عينيكي عنواني	39

75	جايه ليه	40
77	مين فينا	41
79	أحلى ضفاير	42
81	اعتبرني	43
82	أعمى	44
84	حسنها	45
85	قرار	46
87	يابلدي	47
91	مين غيرك	48
93	الشاعر في سطور	49
96	الفهرس	50
99	إصدارات دار النيل الفرات	51

إصدارات
دار النيل والفرات
للنشر والتوزيع 2017



م	عنوان الكتاب	إسم المبدع
1	ترتيل البوستات الصباحية لأنواع الحب ج. 3	ناجى عبد المنعم
2	ترتيل البوستات الصباحية لأنواع الحب ج. 4	ناجى عبد المنعم
3	العفريّة الشقية (مسرحية)	ناجى عبد المنعم
4	المختصر المفيد فى سيرة أهل بيت الحبيب	د. عبد الحليم هنداوى
5	فى حب الله وعشق الأوطان	د. عبد الحليم هنداوى
6	طمى لا زبد وعبر للأبد	د. عبد الحليم هنداوى
7	أبو الطيب المصرى (ج. 1) نصوص	عبد الله الشوربجي
8	أبو الطيب المصرى (ج. 2) نصوص	عبد الله الشوربجي
9	أبو الطيب المصرى (ج. 3) نصوص	عبد الله الشوربجي
10	أبو الطيب المصرى (ج. 4) نصوص	عبد الله الشوربجي
11	أبو الطيب المصرى (ج. 5) نصوص	عبد الله الشوربجي
12	أنين الروح (أشعار)	جيهان عبد الرؤوف علوان

13	همسات (أشعار)	السيد صابر
14	أشجار الخوف (أشعار)	رضا ابو الغيط
15	الحلم بيكبر (أشعار)	رضا ابو الغيط
16	أشكرك (أشعار)	رضا ابو الغيط
17	أكفان الخوف (أشعار)	رضا ابو الغيط
18	تباشير الصباح (أشعار)	رضا ابو الغيط
19	وتر البكا (أشعار)	سمير موسى
20	مدمن ضرب (أشعار)	سمير موسى
21	بيعدوا أملاكى (أشعار)	علاء الدين على
22	مشاكسات إبداعية (أشعار)	أسماء فريد
23	عن التواصل الأدبى بين الشعوب (دراسات)	د. يسرى عبد الغنى
24	حميسة (مجموعة قصص قصيرة)	عبد المنعم شرف
25	نبضات أنثى بلا وطن (أشعار)	تهانى فؤاد
26	أميرى (أشعار)	أسماء فريد
27	جدلية التحول بين التمرد والانتماء	ناجى عبد المنعم
28	رباعيات	ناجى عبد المنعم
29	ترنيمة لأنواع الحب (ثلاثية مسرحية)	ناجى عبد المنعم

30	أبو جلمبو فى كوكب المرىء (مسرحية)	ناجى عبد المنعم
31	حاملة الورد (أشعار)	د. عبد الحليم هندواى
32	إنكسار حرف (أشعار)	محمود هليل
33	محاكمة ميت (مسرحية)	ناجى عبد المنعم
34	حرفين وجع (أشعار)	منى الغربى
35	مين يسامح مين ؟! (مسرحية)	سميرة محمودى
36	إهدى عليا (سلسلة أغانى سميرة 2)	سميرة محمودى
37	ياريت نحبك (أشعار)	السيد محمد صابر
38	الدنيا حالها كده (مسرحية)	السيد محمد صابر
39	ترنيمة لأنواع الحب (ثلاثية مسرحية)	ناجى عبد المنعم
40	كان بيننا إيه (سلسلة أغانى سميرة 3)	سميرة محمودى
41	لا تذكرينى	سمير حماية
42	مسرح خيال الظل	سمير حماية
43	أكبر وهم	محمد الفلكى
44	حب الوطن	محمد الفلكى
45	صمت المشاعر	محمد الفلكى
46	نويت أرحل	خالد أحمد عبد السميع

47	قول العصارى	محمد بهاء الدين
48	حكاية عمرى	نبيل نجاح
49	مشاعر	مسعد سليم
50	تحت النقاب	حارس أبو عزب
51	مناجاة عاشق	عبد البديع النجار
52	بدون مونتاج	محمد السيد سعد
53	مساجلات ناجى عبد المنعم	وشعراء آخريين
54	حرب بلا راء	مجموعة شعراء
55	ماتشيليش يالامه الصيوان	صبحى ثابت بشاى
56	الليلة الأخيرة	عبد الإله الديب
57	أوتار الحروف	حسن حمدى
58	شاطيء هواك	حسن عبد المنعم
59	منتهى العقل	محمد البنا
60	مجرد حلم	خالد عبد السلام
61	همس الفرسان	ديوان مشترك

